

鄆陵文獻志卷十一

鄆陵蘇源生菊邨纂

建置志

縣城

施志鄆陵自漢置縣始設城古城距今縣十八里今城不知何時遷縣西預備倉迤南有廢城基志不紀何時展築 蒙按經志吳志以今城卽漢城固誤讀史方輿紀要以唐初移今治亦無確據 孫志明景泰元年知縣康健增築高一丈二尺闊如之濠廣二丈深一丈五尺周計五里一百五十步東門曰陽和

文獻志

卷十一

一

西榮樂南長甯北永安成化十一年知縣陳理重繕今周計六里九十步蓋陳令時始西展也正德壬申盜起河北鄆城不守戊寅知縣龍章因舊一修徵記於崆峒李氏稱述頗侈無何城圯 明李夢陽記正德十三年夏四月鄆陵縣城成周二千三百三十七丈高二丈五尺基廣二丈塹廣三丈深三之一城四門各樓門各有郭周廬十敵臺十一城四角各樓樓櫓修修長堞迢迢翼翼濯濯下壑上削晝道宵邏鈴柝是節伺察有伯簿吏迺鈞外姦潛奪內犬靡聒是役也始於十二年正月踰年而告成費蓋巨萬緡徒

數萬人云畚杵如雲登登四聞樽勞均力人人歡悅
縮溢伸乏咸有經紀厥知縣章爲之云是故費罔官
損役匪農妨觀者歎跡聆者頌能監之者嘉覈之者
褒初知縣章至縣也行城履隍垣鬻池凹汗穢黃蒿
徑蹊交交以問左右左右對曰是城也殘焉故矣前
中原盜起控弦環甲者蓋數十萬焉渡河轉戰先驅
略鄆鄆之城不攻而陷民之以荼是故民瘡痍未還
也燼於今猶烈知縣章於是俯而思仰而嘆曰嗟乎
無城無縣無縣無民予誠不能苟一日而食乃於是
集部吏召父老延鄉士夫議城事僉曰是役也衆知

縣章曰吾能衆曰費曰吾能費曰費而衆上之人必
以爲利己曰誠己也彼卽以爲弗己忸也誠弗己也
卽以爲己吾何憂曰彼謂民勞曰誠佚之卽以爲勞
之可且章聞之計小者害大道謀者寡成故鄉校毀
僞麁裘誚孔聖賢且爾况其下乎始盜之入也鄆之
士若夫若父老若吏不曰設城堅吾奚以荼上而省
若臬若郡長吏不恨曰設城堅吾鄆奚以荼及平也
上之人謂城勞也疑利己也諸議者又謂費也衆也
所謂厝薪而憂火者也夫渴而後井井豈渴及哉不
城吾誠不能一日食鄆及城事興果有謗知縣章於

監者監者覈焉獲顛末乃於是罪謗者而嘉知縣章
移檄褒焉李子曰令哉章何則大者舉則細者可推
矣夫政莫大於動衆功莫大於域民夫城者域民之
急必衆而成者也是故書稱勤墉易戒覆隍城漕城
謝城韓城朔詩人詠焉武夫宗子非城莫譬也春秋
之義城築必書雖美刺殊旨要之其大已力任其大
民以之域衆而弗擾是克令也故曰令哉章或曰鄢
鄭克段者也段城京也祭仲憂其不度何也李子曰
公私異也是故君子之動衆域民也公而後功正而
後政章斯有焉故曰克令章龍氏漢川人以舉人前

爲德興縣學諭有捍賊功擢令官云 孫志嘉靖甲
申知縣尹尙賢始大築之東毀三官廟西北撤乾明
寺山門基濶四丈高二丈二尺濠廣三丈八尺深二
丈有奇四門皆設重門舊堞惟土悉易以磚十閱月
而功告成望之屹然崇墉保障之功於是爲大已贅
西北一隅將次第通甃作樓櫓懸橋間而調知蘭谿
矣嘉靖己未知縣史文彬撤縣北毀寺磚先修門橋
將擬燒磚通甃會以憂去 蒙按隆慶三年知縣鍾
鐸重修見東門石碣 經志萬厯壬子知縣張舜與
重修 明馮從吾記鄢陵古鄭邑也春秋鄭伯克段

於鄢卽此戰國謂之安陵置縣自漢始至國朝而鄢陵稱中州文獻邑矣顧城卑且壞正德時中原盜起而鄢陵破民首被其荼毒殘創蓋纍纍焉盜去而令龍氏至乃始與邑父老強就城且相誚城之晚其後令蹇來更一修迄今七十年而無有能繼修之者用是城之四門樓咸圯無餘矣而城覆於隍者過半張君心虞受命來令鄢登城視隍乃慨然歎曰若豈聖天子設令保障一方意哉是予之責也夫是予之責也夫已復得前盜起狀則又曰前事之失後世之永鑑也且語曰不見未然觀已然於是量力審時度財

計費毅然以城事上計於撫臺東明李公按臺廣州曾公方伯南和李公總憲關中周公巡道內江李公守道陽城田公太守新城王公皆允修築張君乃遂筮日布令集衆興事焉凡補七十二丈城頭磚牆五百七十二丈四門暨小北門築城東西南三面一千八十四丈補甃北面磚城門則各創重樓一皆巍然堅麗足垂永久爲四門外甕城昔皆土今皆甃以磚隍塹濬之視昔加深有水處則藝蓮餘皆樹以檉而隍外增築新隄一週可七里許又創角樓五敵樓六箭樓四弔橋外棹楔四亦皆堅而麗其城之門闌闔

扉及楣闕之屬皆堅木爲之飾以純鐵而城上增築女牆一週可六里許此皆昔所無者已更念城郭完而不繕其守之具不可則樹以旗桿五其旗纒布各五而色各以其方蓋晴用纒雨則布也置銃十有五覆以銃樓八滾木悶棍之屬四百長鎗及刀之屬三百火藥以勛計者二百各有度所此又皆昔所無者而取易乾之四德榜署四門樓之內東曰體仁南曰嘉會西曰和義北曰貞幹復以一方山川形勝之槩榜於其外東曰襟帶青徐南曰江漢通途西曰覽勝嵩華北曰溱洧環奇其城外之四棹楔則取四時之

氣榜曰青陽曰朱明曰白藏曰元英經始於萬曆壬子二月七閱月而告成所動庫金僅五百二十七兩奇廩穀三千四百石奇蓋張君獲上有道故上皆允悅而樂嘉治民有本故民皆歡躍而忘勞事成於不日費省而功倍云張君篤嗜理學期在行踐其言前署澶學澶人化之今治鄆百廢具舉尤加意於學校城鄆特其政事一斑耳張君名舜典心虞其字陝之鳳翔人甲午鄉進士 經志崇正六年向之築者壞補者傾樓榭崩圯雉堞頽敝守禦之具一無可恃流氛壓境時事孔亟邑人大司馬梁廷棟目擊時艱情

切桑梓毅然以身任之約闔縣紳士同邑令任中鳳斟酌詳確輸磚供用刻期告成凡三閱月而樓櫓敵臺及城四圍皆甃崇墉危堞巍然山立後經流寇拆毀典史李經復修較昔低一尺餘敵臺門樓一無存矣 國朝順治八年署縣事布政使司經歷司經懋汪某移西城門樓於東門鄢陵舊傳形家言皆謂東面宜高自四城門樓毀於寇而西門爲僞官所建巍然獨峙且上列僞銜亦不可以示後汪令毅然撤去移置東城人咸稱善復擬更建三樓會以交代去遂不果 施志順治十五年知縣經起鵬重修康熙

十五年知縣裴憲度重修二十八年知縣許承澎增修四十四年知縣李而侗補築內城雍正七年知縣童守祿補甃外城乾隆二年知縣陳世明鑿池幫城址四年雨暴水漲東西兩門皆頽小北門左側傾圮三十餘丈四面城垣坍塌殆盡知縣張嵩齡慮奎樓損壞先行補修東南隅十餘丈九年知縣姜綰重修北面衙署後五十餘丈又修小北門左城基二十九

年知縣陳子檜通修子檜捐俸銀四百兩公費銀八百三兩有奇紳士蘇帝輔等公捐銀八千一百七十二兩有奇於三月興工至十月完竣制仍其舊 吳

志嘉慶十三年知縣吳堂於小北門外增築圍牆一
周 蒙按縣城自乾隆二十九年通修後九十餘年
未曾修築風雨剝蝕漸就傾圮南城尤甚咸豐八年
冬源生同闔邑紳耆請於邑侯徐公因舊重修徐公
上其事大府皆報可於是歲十二月開工甃磚城九
年春浚濠十年春築內城城固池深譙櫓堅整又以舊
日所建實敵臺難以禦侮仿空心炮臺四城建虛敵
臺八座其制長出於城之外而空其中牆厚三尺高
二丈餘上覆以瓦中二層架板爲樓以梯上下每層
多開炮眼外狹內闊以便施放火器計自修城至建
文獻志

卷十一

七

虛敵臺始終三年共靡錢一萬餘緡出於捐輸者十
之九出於變賣樹株者十之一皆邑紳耆其籌云
知縣署

孫志縣治前無考明洪武二年縣丞董子輝始建縣
治正廳儀門六房架閣儀從庫廳後知縣衙署縣丞
主簿翼於東西典史東南吏舍西南天順二年知縣
焦玘修葺成化十一年知縣陳理重建穿堂宏治八
年知縣王時中增建後堂扁曰繼牧撤新前堂三間
六房二十二間前爲戒石亭亭前爲儀門門外左蕭
何祠門內右監房中建獄神廟題名有碑嵌前堂北

壁退思有銘嵌繼牧堂東以前門爲鐘樓扁鳴遠二門爲譙樓置更鼓焉正德元年知縣孫讚通修完美衙後建怡甯樓左閒燕亭右思政亭七年悉燬於兵止存繼牧堂及六房之在東者十二年龍章等漸次修葺嘉靖八年知縣馮霄改衙徧右以爲得風水云施志嘉靖二十二年知縣張祥改建樓於二堂後名曰觀民樓 明張祥觀民樓記樓何爲而設也前此有之久矣或曰縣治公堂適據鄆之岡後堂寢室則降而就卑矣爲此以與堂及門相應耳或曰昔也鄆有寇患爲此以便瞭望設警備耳曰有是哉無乃

非設樓之意乎雖然有之而不爲無用也仍舊貫則敝不可居改作之則勞而且費止之未幾而懼其圯也遂從而新之移其基於舊基之南尋丈許稍高大之計其料物倍增於舊取諸贖罰之餘暨良家之所積願輸於官者丁夫取諸街民之無職事者數日而卽易之三旬而畢名曰觀民樓蓋取諸易卦而寓自警之意也居是樓也其必思曰上者下之所仰吾將何以爲民所觀哉其必正以率物廉以律己惠以及人勤以莅事而主之以敬斯其可矣吾其有是吾乎且觀之於民也民之得所而久安也吾之善也民將

失所而怨詈也吾之過也將以爲民所觀而且觀民以自觀也如其無足觀也則負國負民而有愧於樓多矣則夫處斯樓也甯不惕然以自警乎因爲觀民樓之說時童子讀書於其上遂命書而刻諸石以記之 經志 國朝順治四年知縣呂九圍修堂樓一所東房一所中房一所小房二所二堂一所東西書吏房二所 梁之鯤曰鄢陵公署明末兵燬蒞任者借居民房邑侯呂九圍督工草創始遷居縣衙以聽政焉 吳志順治五年知縣孫丕承修鐘樓一所又重建申明亭旌善亭今無 經志順治十四年知

縣經起鵬重修庫樓一所又修縣署大門一所 吳志順治十五年知縣經起鵬重修寅賓館一所鄢陵賓館自丙午重建之後五十餘年歲久傾圮是年復修完固如初今無 施志康熙四十七年知縣李而侗重修鐘樓朱櫺墨柱廣廈四圍式似魁樓匾其額曰響徹雲衢雍正二年知縣孫國璽重修怡甯樓四年知縣童守祿重建申明亭旌善亭於鐘樓兩側東申明亭西旌善亭蓋二亭舊在譙樓前年久頽廢也又建木坊於鐘樓前西街口題曰宣化撫民清修律已今毀十三年知縣嵇揆重修申明亭乾隆六年署

知縣韓儀重修大堂並書吏房一十六楹東西阜隸房各二間 施志庫樓一座在大堂東順治十年知縣經起鵬修雍正六年知縣童守祿重修乾隆八年知縣姜綰建牆垣門樓又建櫃房二間 吳志乾隆九年知縣姜綰重修鐘樓譙樓儀門並水亭十年三月重修申明亭創建門樓額以石匾內供忌辰牌於中楹懸 聖諭廣訓十六條於兩側十七年知縣張繩祖重修三十六年知縣施誠捐俸重修又重建書吏房二十四間五十二年知縣洪運仁重修鐘樓 吳志乾隆四十二年知縣盧輦復修大堂五十九

年知縣保麟復修書吏房 吳志西書房六間本係茅房歲久傾圮嘉慶十年秋余甫涖任卽於明年春修建易以瓦顏曰西軒十二年於西軒之前又增瓦屋三楹署中於是有瓦屋矣 蒙按大堂東偏書吏房道光八年遭回祿之災知縣何萼聯重修

典史署

施志典史署在縣署東係縣丞舊衙縣丞與主簿皆被裁典史移居焉乾隆二十四年典史姜信重修主簿衙吏舍與典史舊衙皆燬

陰陽學

經志陰陽學在縣治東廢

醫學

經志醫學在縣治東廢

僧會司

經志僧會司在天甯寺內廢

道會司

經志道會司在太清觀久廢重建於關王廟後仍廢
教場

經志教場二一在南關東王時中設內建演武亭一
所廢一在五里溝北正德八年因添民兵暫設廢今

文獻志

卷十一

十一

教場在城南半里許

舊學道署

施志舊學道署在縣治東街梁氏故宅明末河齧開
封區廨沒入地中迺徙鄆陵今廢 張天植臨雲堂
記鄆陵故無學使者署自河齧開封區廨沒入地中
迺徙之鄆陵卽梁氏故宅而爲署也余始視事其堂
則三楹厯級而登間所謂退食几研之廬則亡有也
東偏旁舍僅備休沐已周視乎堂之後得隙地數弓
乃闢儀門爲便廳三楹其上俾護作者董焉凡構櫺
榻椽之屬若而干瓴甃瑱霤之屬若而干誹庸則干

有奇量期則昉於乙未之四月訖於乙未之九月堂成而庭除爽塏步欄不設額之曰臨雲臨雲者陸士衡文賦所謂志凜凜而懷霜目渺渺而臨雲因取以名其堂者也夫雲也觸石而起膚寸而合舒之彌綸乎四海卷之消液於無形其去來也豈有其端哉浮天地之間而抱一掬之內凡天下之文章得乎心而成乎手含舒吐發機倪杳杳乎難尋其或視諸此也且雲之爲類也不一或卿者或喬者或油者同者或鮮者泄者或如車蓋者上如羊者或滄萋曰愁或閉宿曰密或蕭索輪困而曰五色其可測耶其不可測

耶自余之涖乎此也諸士之爲文爲質爲妍爲醜迷迷的的郁郁紛紛以至乎余前也乃給矚移諦凝神息志矜而出審而鑒一諷不再憶立斷不再決若踞乎十仞之巔而洞夫萬里之外是固有取乎臨也不觀夫古之教射者乎先學不瞬亞學眎三年而蝨如輪焉然後無不得矣今余之相士也道蓋在眎者也懼其瞇也非有所學也若夫雲亦非有模狀執著及大小之觀從而求之也天下之物未有不去之以形遇之以機而能盡其道者臨雲者蓋得乎高遠之勢而以機遇者也則不病其爲瞇已矣昔士衡入洛才

思益進作爲文賦窮工妙解天下後世之爲文者孰有逾於其言者乎抑天下後世相人之爲文者亦孰有逾於其言者乎余茲者幸蒞洛也其敢弗承以較士顧所云凜凜者慎也先之以慎而後能眎之以高遠是堂所由名而余之志也倘後之登斯堂者惕然而思曠然而怡以克副人文化成之盛則學使者之責不已盡而茲堂不亦有幸乎哉於是爲記以永之

蒙按哲次齋集云中州督學先年駐節鄆陵應試者紛集劉青蓮古今孝友傳云劉宗洙應試鄆陵載書一車田蘭芳逸德軒集云順治丙戌王嬾仙應試

復其舊云

舊布政分司

施志舊布政分司在縣治正東知縣譚敬宗建西口立旬宣坊明季坊燬順治二年知縣呂凡圍修後堂書吏房廚房東西阜隸房二門大門東西支房今廢

舊按察分司

施志舊按察分司在縣治東南洪武十一年主簿楊信可建司前立肅清坊燬止存前堂今廢

舊府館

施志舊府館在縣治西知縣陳理建孫讚重修今廢
在城驛

元封孔子詔碑陰在城跼官金城韓孝友 經志在
城驛在縣東元置洪武初革

巡檢司

經志雙泊河巡檢司在西北保洪武八年設後裁

預備倉

施志預備倉明正統五年知縣譚敬宗奉例勸粟始
易縣西民地二十畝中及兩旁各建五楹宏治六年

文獻志

卷十一

古

知縣王時中積穀漸盈又易生員李良地二畝造屋
二十九楹宏治十三年知縣任恕又於西偏前後立
倉通前五十餘楹嘉靖九年知縣馮霄措積近萬未
幾例止照常收貯罰贖或但發領帑銀易買云萬歷
壬申知縣陳登雲重修萬歷壬子知縣張舜典建預
備倉坊一門內兩旁設義學各三楹後燬止存坊及
後廢三楹順治十四年知縣經起鵬建常平倉及大
門各三楹今改作大有倉 明孫俊記置倉積粟以
賑饑乏如漢之平糶唐之常平宋之義倉皆卹政也
然行之有道惟在得人焉爾我朝斟酌古制詔天下

立預備倉正統五年春兵部左侍郎饒塘于公謙奉
勅總督河南山西兩省倉務遴委方面守臣及府州
縣正官廉幹者專理之維時知鄆陵縣事崞陽譚侯
夙夜祇承不遑甯處念舊倉卑隘擇邑民王謙地一
段約二十畝蒙按石刻作二十畝舊志作二畝者誤距縣治西四十餘
步以俸貲七千五百餘緡易之鳩工聚材匠甃借作
墉崇基厚高廩峻厥規制甲他邑不逾月而告完新
其扁曰預備倉以禮勸諭邑民義出米粟共一萬五
千九百餘石儲積於倉以備賑濟于公嘉其績奏蒙
欽獎侯益振勵乃爲義民蠲徭表門宣昭帝恩民用

益勸今年秋侯秩滿典史霍邱李順恐侯是功久而
湮沒爰書地至糧數勒石詔後而請予記之予惟國
以民爲本民以食爲天苟非存心於愛民疇克留意
於郵政侯九載之間均徭薄稅勸民興學而儲蓄有
備斂散得宜尤足以利民垂範者不有紀勒曷知侯
之體皇仁而覃厚澤哉侯名敬宗字奉先早領鄉薦
綰符令鄆以剛明果斷稱未幾丁外艱去服闋至部
鄆民德之疏其行於朝允其請仍命來令竟成茲績
云 蒙按預備倉碑陰附記云計倉地一段二十畝
地主王謙同弟王恕此指預備倉而言也今現存又

云正統四年秋八月用官價鈔買到本縣在城等保民人張志瓚不起科地一段計八畝立爲宣布分司正統四年用官價買到城隍廟東民人王鐸白地一段立爲倉久已廢毀 國朝雍正十三年邑令嵇揆所建之廣仁堂卽其地也 明魏璋記預備倉元在縣治之內東西對峙正統五年邑大夫譚公敬宗移置今地中庾及兩偏各五楹存糧一萬五千九百餘石後雖時有添籌而賑放過多有逋負不完者故騰縮常無定額宏治六年間邑令王君時中奉藩司會議檄發銀兩併本縣官帑及自措置米粟稍積舊

倉不能容乃以隙地易倉西廩生李良地一畝五分造屋二十九楹以處之遂至二萬六千五百餘石宏治十三年巡撫都御史鄭公察核鄆陵等三十州縣倉廩不實將其年輸邊秋稅出省庫官銀備之令州縣以米一石易粟五倍存收本處賑濟鄆陵該粟一萬一千石併本縣措置米一千七百餘石邑侯任君恕又於西偏前後立倉二十九楹貯之通爲四萬一百餘石以是年八月上旬始事不百日而告成 邑令王應元預備倉召募斗級碑在令甲倉之出納責斗級庶人在官而典守國計也海內具然而或以差

役以顧役差役取諸民顧役取諸官取諸民民必病
取諸官民乃安以故莫善於顧役莫不善於差役鄆
陵差役也其害有五浥爛苦償補廢敗苦葺理察盤
苦供應府史之橫索無量也甚至繁育禽獸之費無
經也一遇僉定必至破家余甚憫焉梁永祀等集國
人請曰鄆人苦役之不均久矣唐山陳侯力行條鞭
賦役平而民乃更生獨斗級之害未除斯人荼毒不
可言盡唯君侯圖之余曰吾固念之思所融通而未
得其便若曹將何以爲策梁永祀等曰君侯嘗念及
殆天有所啟厚吾人也善策不必他求近取四封可

矣余曰四封之法何居曰顧役也余曰顧役何以曰
一吏總其綱六斗分其事以四主粟以二主囚歲取
條鞭若干授之食主囚者殺三之一以其羨資他費
余維之智者作法見固相同興利孰若除害吾其不
四封若乎然其法猶有可議也主粟重矣食之宜豐
四則人衆而食分盍用其半而一人兼兩人之食主
囚事輕食之宜嗇二則人寡而食浮盍損其半而二
人共一人之食衆寡豐嗇斯爲均也列狀請於兩臺
藩臬郡守皆報可令旣布於國中國人皆言便梁永
祀等進曰自古法窮則變變則通通則久斯舉百世

利也但患無徵將安所遵守願著言勒石垂永久焉
余曰爾言甚當柰吾不文然亦不必文乃述其詳而
立石倉門與後之君子共之節目勒於碑陰萬曆三
十年歲壬寅春三月 梁熙常平倉記自耿壽昌本
李悝之說創爲常平之法穀賤則加倍收之穀貴則
下價出之使貴不致於傷人賤不致於傷農人無傷
而農益勸其法固甚善也然歷代時舉時廢者何也
指陳其弊亦有數端當斂之時或勾集配抑督責嚴
急未必如市中之貿易官見以爲平糶而民病於糶
及其當散也或以新易舊之法置若罔聞往往全其

封鐻遞相傳授至一旦甚不獲已然後發之則已化
爲浮埃聚壤而不可食矣於是禁民穀赴市而官獨
賣之枵腹者不得不隱忍姑買價值之高下又復懸
殊官見以爲平糶而民病於糶嗟乎因仍苟且弊日
叢生而良法壞矣常平起於漢孝宣之時而後漢劉
般已言常平有利民之名而豪右因緣爲奸小民不
得其平班固亦曰管子之輕重以至壽昌之常平亦
有從來顧古爲之有數吏良而令行故民賴其利萬
國作又由此觀之法固不能無弊要不可因噎而廢
食也宜民在法守法在人爲國之道不外恤農以繫

其家足食以繫其身聚其骨肉以繫其心故曰守國者守穀而已矣善乎司馬光曰常平倉者乃三代聖王之遺法非獨李悝耿壽昌能爲之也穀賤不傷農穀貴不傷民民賴其食而官收其利法之善者無過於此比來所以墜廢者由官吏不得其人非法之失也然濟急又莫要乎近其人苟徒置倉於都會則道途艱阻州縣鄉遂之遠安能陸輓水運數百里以與上官相交易哉順治十四年上臺遵奉 詔勅行令州縣咸立常平倉邑侯經公恪勤乃事擇地之高燥者創建倉廩若干楹卽乘穀賤捐俸糴三百石以

文獻志

卷十一

六

爲常平之本以視前代出上庫錢五千萬市米置吏閱商賈錢每緡稅二十以贍常平本錢者又豈可同日語耶嗟乎良工陳其槩獲而拙者易之非其器不適也良農播其菑畚而惰者荒之非其土不腴也今之創始者難後之循行者易使繼侯而吏此土者任牛羊芻牧之責無秦越肥瘠之視能長守其法而補飭通變之雖百世無弊可也

大有倉

吳志大有倉在縣治西小北街卽係預備倉雍正二年知縣孫國璽慮倉多難守因合貯常平義社等倉

穀石毀舊廩重建改名大有其房三十九間有碑記
六年知縣童守祿又建餘廩二間以備緩急之需乾
隆十七年知縣張繩祖修三十七年知縣施誠重修
嘉慶十一年知縣吳堂捐俸重修 孫國璽記積貯
原以利民也而區畫不善遂爲民累雍正元年秋余
奉 命出宰鄆陵凡民間利害所在罔不銳意興
除稽其積穀一萬四千有奇爲倉者四曰常平曰社
曰義曰預備倉無役僉民之殷實者二十戶充斗級
以守之牆欹木頽往往需時修葺以及圍圉繩席之
費差提造冊之質盤糧夫役之供吏胥內外分給種

種陋規咸取之斗級斗級派之地畝黠者奸者藉以
包攬肥私愚者懦者遂至破家蕩產余惜其以利民
之事而反爲民累也越明年九月又奉檄發價買漕
穀八千留貯鄆邑乃請於上始得建倉爰卽預備倉
基撤舊鼎建厚其牆垣覆以磚瓦通以氣樓廩分爲
八碁布環向廩之外護以圍牆東西置更房巡守額
以豐豫恆萃升泰咸益統名之曰大有義取生生不
己而厚積無窮也倉可貯穀二萬四千有奇併四倉
之所貯而咸歸焉歲省圍圉繩席之費遂將民戶輸
充斗級之差及供應陋規盡革之是舉也不役一民

不斂一錢以買穀節省及請銷者又從而捐足之約費八百餘金經始甲辰之仲冬越六月而告成募充斗級者八人更番巡防計役給食民咸曰今而後幸終免差累矣余曰唯唯否否按鄆邑額設斗級四名歲報支銷者僅十三兩茲備其人而仍其食曷以濟維民則踴躍歡欣願輸金三百二十兩貯之庫暫爲出借歲取其息以補斗級之工食倉書之紙筆造冊修補盤運之公費遞年里長經其事倉庫吏書登其簿官覈其出入之數上下相維毋侵漁毋沈沒俟所積旣厚徐圖膏腴之地而置之自可以經久而不易

也夫事窮則變變則通民窮而思所以通之有司之職也同一斗級之役向者民輪充而不勝其苦今者民爭充而皆以爲樂凡以利民而不爲民累故也爲民父母者安得不爲之區畫盡善而無負 聖天

子愛養斯民之意乎然余考舊碑前之令斯土者如深州王公亦曾除民差而變通之矣曾幾何時而民之累於苦役者如此安知後之視今不如今之視昔乎然又安知後之君子其爲斯民計安全者不更什伯於今日乎爰勒石以紀之所有事宜並刻之碑陰 吳志按是項存貯銀兩知縣陳子檜修城墊用今

已無存

富有倉

吳志富有倉在縣治東雍正三年知縣孫國璽改舊
察院寅賓館創建以貯漕穀匾題富有其房十四間
乾隆九年知縣姜綰增建二十一間二十二年知縣
陳子檜修三十一年知縣陳子檜添建二十五間三
十七年知縣施誠重修嘉慶十一年知縣吳堂捐俸
重修共六十一間

社倉

施志社倉在小北街南頭路西雍正十三年知縣嵇

文獻志

卷十一

三

揆毀常平倉創建共三間址係知縣高有聞生祠

廣育倉

施志廣育倉在大堂西貯每歲體廣兩堂地畝所收
租稞雍正十三年知縣嵇揆建 天中足民錄鄆陵
知縣鄭士玉議立廣育倉一所捐募穀石出借生息
以爲城鄉無依窮民之需令正副社長經營其事度
每歲之所需餘爲冬夏衣褲鞋隻之費鄭士玉捐穀
一百二十石紳衿蘇瑛等鹽當商王瑜等聞風樂輸
報捐穀六百一十五石

養濟院

施志養濟院舊在德星臺側知縣王時中徙於天甯寺前嘉靖十四年知縣史文彬重修萬曆四十年知縣張舜典因舊院窄小復於天甯寺衚衕路西開創一所雍正十二年知縣嵇揆重修乾隆八年知縣姜綰重修十八年知縣張繩祖重修二十五年知縣陳子檜重修三十七年知縣施誠重修 蒙按天甯寺前養濟院道光二十八年署知縣朱纘重修扁其門曰孤貧院 施志體仁堂先在大北關路西係知縣郭萬象生祠舊址雍正十二年知縣嵇揆改建乾隆四年水壞署知縣韓儀移建於三賢冢共房五十間

文獻志

卷十一

三

二十八年知縣陳子檜修三十年陳子檜又修三十七年知縣施誠重修 施志廣仁堂在城隍廟路東係倉廩舊址雍正十三年知縣嵇揆共建房二十間乾隆二十八年知縣陳子檜修三十四年知縣陳子檜重修三十七年知縣施誠重修 龔剛克曰體廣兩堂建於邑令嵇揆奉督撫王士俊文勸捐地畝四頃七十三畝九分六釐二毫六絲五忽又察出韓乘時等欺隱地二頃五十二畝二分六釐三毫兩其地七頃二十六畝二分二釐五毫六絲五忽每歲收租存廣育倉膳養兩堂貧民定例每人月給穀四斗錢

一百文冬月賞綿襖一件 附錄體廣兩堂地畝姓名監生梁起漢捐地一頃零三畝四分七釐九毫共十段欽燦佃種交稞糧銀官備後同 監生韓遴捐地十畝共一段趙勤佃種 監生陳倫捐地十畝共一段劉正佃種 監生劉大成捐地十畝一分六釐七毫共二段董祥佃種 武舉陳瑞杭捐地十畝零三釐共二段許德佃種 貢生張際可武舉際盛共捐地十五畝一分八釐四毫共二段耿同佃種 貢生張元福捐地十二畝零一釐共二段曹允慶佃種 貢生楊炎捐地十畝共一段張經佃種 貢生于

之漸捐地十畝零五毫一絲五忽共一段李應正佃種 監生曹鶴齡捐地十畝七分九釐九毫共一段賀公賢佃種 監生曹文桂曹文斐共捐地十五畝零一釐共一段曹錫福佃種 監生常思謨捐地十畝共一段化京佃種 監生陳中選捐地十畝五分共一段鄭德興佃種 監生殷元羹捐地十畝四分九釐一毫共一段張秉祿佃種 監生李素安捐地十畝零七毫共一段李素軍佃種 監生耿克恭捐地十畝零五釐八毫共一段張文重佃種 監生韓松齡捐地十畝共一段袁孟道佃種 監生田廣心

捐地十一畝零七釐九毫五絲共二段王天樞佃種
監生牛承德捐地十畝一分三釐二毫共二段歐
陽太寇有文佃種 監生劉俱捐地十五畝三分共
一段王化鳳佃種 監生韓遇旭捐地十畝共一段
王四佃種 生員梁銘旂捐地十畝零四釐二毫共
一段張信佃種 生員康鑑捐地十畝二分二釐四
毫共三段孫睿佃種 生員谷洵捐地十二畝六分
八毫共三段梁士龍佃種 生員爨大典捐地十三
畝共四段李國璽佃種 生員常禧捐地十一畝八
分九釐一毫共二段趙儒佃種 生員張中錦捐地
十畝共一段鄭緒佃種 武生鄭炳捐地十畝共二
段鄭仁佃種 生員陳梅捐地十九畝八分一釐六
毫共一段蘇文士佃種 吏員趙榮捐地十畝零二
釐六毫共一段趙榮承佃種 吏員王理民捐地十
二畝零四毫共一段孫淑尼佃種 監生王延禕捐
地十五畝共三段郎謙佃種 貢生王延禮捐地十
五畝共三段黃琦佃種

志仁堂

蘇源生志仁堂記咸豐辛亥冬十月重修文清書院
成復於院之西偏闢一室名曰志仁堂夫堂何以名

志仁也溯自道光戊申己酉閒源生嘗萃集衆貲拾廢字掩枯骨其時邦伯大夫倡率於上而章逢韋布之士亦皆歡欣鼓舞其相應和行數年人益廣貲益多於是商之同人買田賦粟以垂永久然條約雖具而歲時出納無所人皆病焉茲因興造之餘飾幽閒之地而講求斯事於其中名以志仁固其宜也顧或謂仁道至大類非尋常之所能與豈知極其大雖賢哲有所不能盡而察其端則人人之所固有特恐擴充不力往往據可爲之勢遇得爲之時而竟有漠然以置之者非降衷之有異實立志之不預也今諸君

文獻志

卷十一

三

不惜己貲而思與人同善謂非有志於仁而能然乎惟望同志諸君於斯事也盡心經畫舉前日所已行者維持之未行者推廣之殫其力之所能及而勿使至於墮壞孟子曰仁者以其所愛及其所不愛程明道云一命之士苟存心於愛物於人必有所濟是則司其事者之責也夫咸豐二年立石 附錄志仁堂地畝 道光二十九年買馬國華于寨于水坑西地三段共十五畝八分二釐九毫五絲買馬新興茶庵東路南地一段三畝六分七毫三十年買劉思貽堂稻梗小官路西順路地二段共九畝六分二毫五絲

咸豐二年買鄭文河羅敷墓西地一段四畝五分一釐三毫咸豐八年買曹秀林地一段二畝二分三釐九毫

東門弔橋

施志東門弔橋乾隆四年水冲舊橋邑人蘇元炳馮瓚等募建石橋三空六年復冲兩翅炳等又建兩空

蒙按乾隆五十六年先伯祖邑庠府君諱先祖太

學府君諱募眾重修邑庠王作梅撰記

西門弔橋

施志西門弔橋乾隆四年水冲舊橋邑人張子貴捐

文獻志

卷十一

三

修木橋一座六年復冲貴又同姪張宗禹生員劉友蓮等募建石橋三空九年知縣姜綰修二十八年知縣陳子檜重修

南門弔橋

邑志不詳修建歲月

北門弔橋

施志北門原建木橋乾隆三十六年知縣施誠改建石橋

惠民橋

一統志惠民橋在鄆陵縣北二十里跨雙泊河 韓

程愈重修記河故有石橋三袂爲鄉民曹瀛所修名曰惠民橋其年代不可考萬厯壬子橋崩而輪蹄之欲往來者皆相視而嘆天啟丁卯先君子與毓醇郎生肇畫而經營之不數月大工落成 蒙按斯橋久已無存道光八年彭祖店附近居民重修何志以爲官勸捐重建者誤也

文水橋

經志文水橋在惠民橋南知縣高有聞修邑人韓程愈重修今廢 韓程愈修文水橋記逞歲益都高公以萬厯丙辰進士來知鄆陵縣事越戊午疏此河

文獻志

卷十一

三

明年己未五孝廉並舉南宮遂名其河曰文水橋成亦以是名名焉紀成功也厯崇禎壬申秋文水懷山襄陵橋不固乃崩夫汴南自朱鎮而外故無虹橋巨津此水爲溱洧下流號稱雙洎縣北七里河旣壅塞不通而彭祖店中河又久淤廢不足以瀉上流三十六陂之水則洪流急湍大勢在此河無惑矣輪蹄輻輳上下不絕忽遭中斷病涉如何於是車馬迂曲多就他道而南北之途以梗先君子旣同毓醇郎生董修中河橋成復有重修此橋之意會流寇剽掠無時闔門入保於縣卒不果丙子先君子忽捐館舍余亦

苦塊餘生讀禮事親不違他及迨戊寅秋偶過其所
慨焉有興復之思又念先君子有願未成誰當爲此
乃謀諸長老而圖度之時中丞鄭公備兵揚州聞有
斯舉以尺牘相慰曰吾子年少而修白業動濟人利
物之心爲人之所不敢爲弱冠如此黃髮抱慚矣卽
以穀五十石銀六十兩助之又令其長公蕃加助銀
三十兩次公芑蠲桐油一百二十觔糯米二十石以
資其用由是聞風者莫不歡喜讚嘆樂施其財邑侯
高陵郭公輒發預備倉穀五十石銀五十兩奉常梁
公帥其孫男爲虹爲舟爲標爲龍爲光各捐所有合

百金先太孺人亦令賤兄弟共輸百金以襄其事不
數月而諸費俱辦乃於己卯春三月稟命於侯而從
事焉郭侯慮貧士無以董其成爲撥公直四人省試
其事計開脞河摻圮基築東西二堰鋪石甃磚工匠
日以百數閱三月而其工始竣工竣以告郭侯侯曰
咄咄有是哉子以冲年弱質芸窗誦讀之士乃不動
聲色構此虹橋於百日之間鉅富黃耆又何所爲乃
治酒以落其成而爲之歌曰溱洧兮泱泱三十六陂
兮侵吾疆有令疏鑿兮架此梁歷十五年兮沮懷襄
今得年少兮留此芳歌成擬復發子弟以平治其道

途而曹南之命斯下工亦尋止其欄楯碑石業採於
西山之陽以賊勢猖獗饑饉薦臻往來之人絕不入
邑至辛巳冬賊破我鄆城舉家瀕死幸而不死得奉
母徙金陵旅食下幃不復計及往事而禍水橫流南
北不靖一飄一墮已十五年所余始得解組海陲以
性命歸故鄉渡其橋固依然在也追念昔舉恍如夢
寐而佈施有人贊襄有主若終始沒沒何以激勸來
茲永垂不朽也哉以簿籍久亡思憶僅得其略爰爲
之記殊不足以光兩侯之德紀諸上善人之所施與
聊以誌其事之緣起云爾

文獻志

卷十一

三

項公橋

蒙按項公橋卽郭家橋跨雙泊河鳳凰岡過渡之處
也邑人軒從仁意欲重修而無其力請於分巡南汝
道項公項公首捐金爲倡邑之好善者亦出財相助
橋成名曰項公橋項公名一經漢陽人順治己亥進
士詳見韓程愈所撰記中

彭祖店橋

施志彭祖店橋在縣北二十里跨雙泊河

丁家橋

施志丁家橋在縣東北十八里跨雙泊河

七里橋

經志七里橋在縣北跨七里河知縣焦玘建

曹家橋

施志曹家橋在縣南三十五里跨清流河

劉家橋

施志劉家橋在縣南四十里跨清流河

五空橋

施志五空橋在縣南三十五里跨清流河

橫石橋

經志橫石橋在縣南五十里跨清流河

文獻志

卷十一

三

錢家橋

施志錢家橋在縣西南四十里跨流潁河

流潁河橋

經志流潁河橋在縣南三十里今廢

張林橋

施志張林橋在縣南七十里跨流潁河

麻粩橋

施志麻粩橋在縣南八十里跨流潁河

通濟橋

經志通濟橋在縣南五十里跨清流河趙舉等修

永濟橋

經志永濟橋在南門外西偏邑人秦剛等建

五里溝橋

經志五里溝橋在縣南邑人程天錫建

栢梁橋

經志栢梁橋在縣西十里通許州

馬家橋

施志馬家橋在縣西十五里

三道河橋

經志三道河橋在縣南二十五里

文獻志

卷十一

三

一里橋

蒙按一里橋在城東南隅跨絡江舊有石橋頽廢嘉慶八年先伯祖邑庠府君先祖太學府君募衆重修邑庠周景邠撰記

義女店橋

邑人杜珍記鄆城西南十五里許曰義女店有義女祠在焉祠西三里許有河北經福村南絡任家營西界王家店橫互沃原號稱巨津秋水汜溢兩岸埃泥不辨牛馬負者擔者騎者輿者行旅經者絡繹不絕無不濡股裹足顰蹙病焉衆固病之亦莫爲之所也

劉子進仁處義姑祠西北素好義先是戊癸二稔歲能貸糧救荒及償時悉焚券弗索衆義之每歷西河水涘惕然懷感慨然興作自捐貲出粟遴木鳩工創建橋梁上通輿騎下虛水竇踰月而工告成時萬歷癸卯歲也

大司徒坊

經志大司徒坊爲尙書張睿建

解元坊

經志解元坊爲永樂庚子薛瑄建 邑令趙孔昭記云永樂庚子薛公發解河南有司仿表厥宅里遺意

文獻志

卷十一

三

爲立解元坊於鄆歲久頽毀基址無存嘉靖甲辰邑人文岡陳公棐司諫禮垣疏表其賢乞於鄆建專祠並修廢坊以風後學蒙勅下禮部詳議而大宗伯陽峰張公璧少宗伯毅齋孫公承恩龍石許公成名實主張厥議邑宦春岡劉公訒三源胡公東魯時居臺部實上下厥議章覆俞允命河南有司修舉厥事維時鄆令張祥繼先令汝頤充飾祠宇足備明祀後以遷轉之急遺坊未建予薄劣承乏遭際盛舉惟懼暇佚荒墜厥緒乃以時鳩工以節斂財越戊申坊乃告成在城東南隅學宮之右厥材維石厥石維良期垂

不朽以副聖天子崇儒盛典賢卿諫好德懿心乃忘其薄劣僭書始末以識歲月且以寓私淑之意云嘉清二十七年記

父子尙書坊

經志父子尙書坊爲劉璟劉訥建

方岳坊

經志方岳坊爲參議陳溥建

大諫院坊

經志大諫院坊爲給事中陳棐建

恩榮坊

文獻志

卷十一

三

經志恩榮坊爲副使梁策建

節孝總坊

蒙按節孝總坊在城內西街路南道光十五年建初道光十二年布政司栗公毓美以河南節孝婦女類多湮沒令各邑採訪檄至鄆教諭何公廷璧採訪四十一人以上十四年奉旨建總坊旌表十五年

何公勸士民捐貲建總坊於西街節孝祠前

節孝總坊

蘇源生創建節孝總坊記嘗考古昔婦人之行見於詩者如葛覃芣苢以及執懿筐治絲綌績元黃率皆

履順安常之事其遇變而以節見者行露栢舟二詩而已降及後世百行不及古人而獨女子之以節著者所在多有豈世近而事易知歟抑民彝之未泯者獨鍾於斯歟使非有以表揚之則往者旣已湮沒而欲來者觀感而興起豈不難歟源生嘗欲采獲吾鄆貞孝節烈婦女貢於有司以待 旌命適西蜀萬侯來宰斯邑源生以是請甚蒙許可復質之教諭龐公訓導杜公亦以爲然遂不避僭妄約同人盡心摻采得一百三人由縣達於 朝廷奉 旨建總坊旌表如令式邑侯屬是役於邑人士邑人士祇承

文獻志

卷十一

三

嘉命卜建邑治北關外並刻諸婦女節行於碑嗚呼諸婦女飲冰茹蘖非吉祥可願之事也而其志旣堅其心靡悔綱常倫紀遂由此以植立我 國家從而嘉獎之其有裨於名教風俗爲何如哉源生幸襄盛典與聞顛末因記其事以彰 君上之仁與邦伯師長之德而凡有助是役者亦均詳於後云時咸豐元年

